

元宗

竹居跋廬

全唐文

卷三十四之三十七

元家

竹風樓



金瓶梅

欽定全唐文卷三十四目錄

元宗 十五

加魏知古實封勅

受太上皇誥勅


平戎告廟勅

賑岐華等州勅

授徐有功子惲恭陵令勅

命張知運持節赴軍勅

遣使安撫江東勅



授蘇乂右補闕勅

授薛訥隴右道防禦大使勅

召募兵勇勅

行常平法勅

罷親征吐蕃勅

幸新豐蠲復勅

優給二王後及隋後勅

誅左感意勅

令蕃客國子監觀禮教勅

許盧懷慎去官養疾勅

禁驪山樵採勅

放姜皎歸田勅

進蔬食並斷都城屠宰勅

賜蒲州童子勅

禁惡錢勅

度河南參軍鄭詵號州朱陽縣王郭仙舟爲道士

勅

賜京畿縣令勅

令考試投匭人勅

禁屠勅

復崔日用實封勅

流僧人懷照勅

定母服齊衰三年勅

賜關內河東河西入朝蕃酋等勅

遣祠南郊華岳溫湯勅

銓擇内外官勅

賜朝集使勅

令內外臣僚各舉縣令勅

策試貢舉人含元殿勅

賜貢舉人朝堂坐食勅

討康待賓等勅

禁重徵租庸勅

流蔣寵藤州勅

停給職田勅

誅裴景仙勅

宴朔方軍節度及將士勅

巡幸東都賜賚從官勅

減東都禁囚等罪勅

幸并州推恩勅

祠霍山勅

命王峻檢閱朔方諸軍勅

諸州府馬數闕額以監牧馬充勅

貶王同慶贛縣尉勅

某婦貢舉入舍示與陳

令內代司新各舉錄令陳

欽定全唐文卷三十四

元宗 十五

加魏知古實封勅

魏知古去年七月已前屢申啟沃每竭忠誠奸臣有謀先
奏其兆事君之忠良可嘉歎可更賜實封一百戶

受太上皇誥勅

王公文武百官等邇者事出不虞凶邪構逆賴天地叶德
宗社降靈應時誅翦朝野寧謐慶慰之至與卿等同懷太
上皇志尚無爲捐茲俗務軍國庶政委成朕躬祇奉聖謨

膺斯負重顧惟菲薄何以克堪若臨大川罔知攸濟冀王
公卿士百辟庶寮勳力同心輔相休命各盡誠節共洽維
新

平戎告廟勅

邊境爲患莫甚於林胡朝廷是虞幾煩於將帥車徒屢出
芻粟載勞使燕趙黎氓略無寧歲而山戎種落常爲匪人
近有野心窮而歸我曾是懷附每所綏柔而不變梟聲輒
爲獸搏幽州節度副大使張守珪等乘間電發表裏奮討
積年逋誅一朝翦滅則東北之祲便以廓清河朔之人差

寬征戍皆上憑九廟之略下仗羣帥之功今其凱旋敢不以獻宜擇吉日告九廟所司準式

賑岐華等州勅

如聞二輔近地豳隴之間頃緣水旱素不儲蓄嗷嗷百姓已有饑者方春陽和物皆遂性豈可爲之君上而令有窮愁靜言思之遂忘寢食宜令兵部員外郎李懷讓主爵員外郎慕容珣分道即馳驛往岐華同豳隴等州指宣朕意灼然乏絕者速以當處義倉量事賑給如不足兼以正倉及永豐倉米充仍令節減務救懸絕者還日奏聞

授徐有功子惲恭陵令勅

徐惲父有功昔爲理官時密刑網遂能堅守忠直每抗回邪海內稱其不冤朝廷賴其惟恤永言種德必歸餘慶宜甄嗣子俾勸羣臣

命張知運持節赴軍勅

大漠南守長河北介地險可憑天兵有警夏潦方壯冬冰未合料敵安邊存乎備預靈武道行軍副大總管右領軍衛大將軍張知運神氣雄傑兵謀果斷持軍出塞可使單于喪膽抗敵臨邊足令勇夫增氣宜令先持節赴軍簡行

處置并緣邊州軍兵馬等亦委知運量事均融仍與幽州
刺史攝御史中丞強修計議便宜支備事訖聽覲入京奏
事姚崇職兼樞劇未要即行副旣掌同一依軍令

遣使安撫江東勅

淮海惟揚是稱谿險山川重複水陸殷湊去歲田收稍乖
豐稔今茲人庶頗致饑乏朕爲之父母深用惕然近聞雨
澤應節秔稻有望目前之困餬口猶切思從蠲省用救荒
弊宜令給事中楊虛受往江東道安撫存問觀察疾苦詳
理冤滯百姓間有偉才異行藏鱗戢羽隱淪屠博栖遲閭

間官人內有貪冒苟得背公徇私或潔已自修養望充位者還日各以名聞所至之州具令宣布求瘼恤隱稱朕意焉

授蘇又右補闕勅

蘇又父往處台衡實爲柱石直言正色挫彼凶邪頃者念功錫以真賦兄頌又遵先誠固辭令賞泣血披誠不忍移奪自家刑國父忠子孝宜有襲崇寵及兄弟諫官之任允屬象賢可右補闕

授薛訥隴右道防禦大使勅

棄瑕錄用有國通典捨罪責功先王舊式薛訥蘊韜鈴之
略總文武之任委以分閫冀靜邊塵遽聞喪律實負朝寄
準其所犯合寘嚴刑言念老臣寬其小劬即捨孟明之罪
佇收馮異之功可隴右道防禦軍大使

召募兵勇勅

戎狄憑陵每勞征戍比興師旅猶未掃除緣邊之人頗有
其患朕爲父母實用憂勤今欲親按邊疆躬行弔伐宜令
朝廷召募勇夫壯士拔萃逸羣者稱爲屯衛飛騎且各量
與賜帛行迴之日簡入羽林自餘之人取爲長行仍令兵

部侍郎韋抗紫微舍人王珽即於朝堂簡募十日內具所得人姓名奏聞

其後行常平法勅

憂恤今於縣縣置粟以平外立令

天下諸州今年稍熟穀價全賤或慮傷農常平之法行之自古宜令諸州加時價三兩錢糴不得抑斂仍交相付領勿許懸欠蠶麥時熟穀米必貴即令減價出糴豆穀等堪貯者熟亦準此以時出入務在利人其常平所須錢物宜令所司支料奏聞

罷親征吐蕃勅

犬戎背恩豕荐爲孽犯塞侵牧乘洮涉渭朕託王公之上
居司牧之尊憫彼蒼生情勤整旅戒嚴有日先命偏師前
驅進討扼喉拊背拉朽摧枯今諸將追奔相望獻捷遁逃
已來邊鄙方寧夫出師天上觀兵塞下所以用威武也念
人勞弊與人休息所以暢恩惠也彼戎狄之爲患必在誅
夷苟黎元之獲安寧資順動況去有徒費追無所及兼懷
供帳之勞宜輟共行之典前取今月十二日親征者宜停
幸新豐蠲復勅

惟此新豐湯泉是出古之順豫義兼巡省頃者觀風數臨